

曲阜孔氏族譜序

春秋魯史先書周平王四十九年以尊周爲大義耳我孔氏在中華爲大姓百世本支不讓於文王孫子而其宗子直統則歷代帝王世襲公侯猶歟盛哉元順帝時衍聖公諱思晦弟諱昭東出高麗因留拜平章事食采於昌原譬若伯禽之就封而孫有漁村孤山二公以道學鳴罔僕于麗亡之日厥後子孫散在八域亦未免單寒何幸我休巖先生作遭值聖明羽翼斯道繼又酒隱之高節學堂之忠義特爲耀人耳目及復各宗之私淑聿修斑仁可述旌偏邦雖謂周禮在魯靡始過語矣噫我東族舊貫昌原故譜昌原者二後改曲阜故譜曲阜者三祇譜東族

今也汶陽淮泗舟車交通三從弟在周族人營柩裏足遠涉親
拜 聖公陪 衍譜而東來則東族之譜議於是乎立梓已具
先書 聖公世系如春秋之書周平王年紀者大義在尊宗故
耳嗚呼我昌原伯之東來也湛樂相分急難莫憑一室至情萬
里相距至于一傳再傳則道路相隔言語莫通闕里孔井未由
瞻拜其爲後承雖若可恨自吾 先聖夫子登泰之意而觀之
則均在小天下之中復何言哉况我東盛時右文爲治詩禮一
脉不墜於地中夏左海同一規模則雖千百年千萬里便是朝
暮遇也但吾譜竣功之日則以若海外微末與 聖公合編僭
越不敢當而譬若江漢餘波氣通于海不是激揚碑斲涇渭於

汪洋也小心翼翼無忝所生其於修譜之義儻庶云爾

先聖誕生

二千四百六十八年

三月上浣七十六代孫通訓大夫弘文館

校理副修撰知製教無經筵檢討官記事官在範謹序

孔子世家譜序

中華序文

家之有譜猶國之有史也史不信則獲罪於天譜不信則獲罪於祖記曰萬物本乎天人本乎祖故聖帝明王兢兢乎慎之古者莫繁世辨昭穆掌之小史唐宋以還如夾漈所志氏族三十有六絲枲膠附弊亦繁興惟我孔氏以生民未有之

祖開律天襲地之道源千委億派道日昌則苗裔亦日盛也其散處四方無論已即世居東魯者今已二萬有餘人雖其間遭

曲阜孔氏族譜序

二

五季孔末之變四十三代公藐焉僅存不數百年而螽行如故
於戲歷代矜尚賜姓孔氏獨未之有忠孝節義史不絕書而藉
觀罷者闐無聞焉故我孔氏世系如山嶽之時江河之流不待
智者為能辨而識也一之散為萬者其勢順而可沿萬之合為
一者其勢逆而易溷率親以仁幸祖以義苟非好學深思心知
其意者亦何以俾宗法於此而明世次於此而清而孝悌睦婣
之化藉以陰行不匱哉我四十六世祖翔刻家譜既克踵史記
世家而詳疏之上自元鳥之祥迄於麟紱以降數百年來例為
三十載小修六十載大修康熙甲子復經先恭愨公重加校訂
致為精詳今適屆大修之期先公石門府君祇慎不逸業於中

夙欽才優德望者擬延入局輜車四出采訪支牒亦漸滙齊不
幸先公早世昭煥以冲齡恂愨謬膺

聖天子寵命主幽宅廟庭竊以禮莫大於尊祖敬宗典莫大於修
譜重以先公未竟之志事敢不肅將恪承以蕲無忝於析薪負
荷之意耶爰與在局諸宗盟同心懋力復爲之正本清源條分
縷析信者雖潛必錄疑者非種必鉏或以德行或以政績或以
文章書之以垂激勸而不敢稍有意見之參始於乾隆甲子之
春告竣於乙丑之秋旣嚴且明庶克稱善成焉夫收族於譜無
異收族於廟也收族於廟而宗廟嚴收族於譜而子姓秩有不
油然動其仁孝之思而肅其繼承之志者乎有不篤其親愛而

痛癢相關者乎有不遜敏時術以勵勉於道統之垂而惟恐有玷於金聲玉振者乎則凡登是譜者各循其派曰某昭也某穆也某吾祖父行而某某吾兄行也其有謂他人父與昆者必無是情而僞院之徒雖欲巧為比合以肆其辛螫也得乎庶幾上告無罪於祖宗而下得保愛其子孫詩曰君子有穀勿替引之詎非今日修譜之大有屬哉時 乾隆十年歲次乙丑仲秋之吉七十一代孫襲封衍聖公孔昭燠謹書

家譜序

中華序文

家之有譜何義乎譜者普也註序世數事得周譜所以尊祖敬宗收斂而風俗之醇厚因之典至鉅也自大宗之法廢而不聞

尊祖小宗之法廢而人莫知敬稱則于同姓有視如路人者矣夫
同姓也而路人其又能敦本俗行教化哉我孔氏發祥出於宋
閔受氏本於父嘉麟紱繫而聖道開生民以來未有若茲之盛
者自後子姓繁毓代有達者其班班可攷史傳之外厥惟家譜
按家譜創於元豐之世以時修輯率以六十年為準自康熙甲
子距今乾隆甲子又六十年矣人愈衆事愈繁宗子懼其久而
湮也乃合多士而更新之詳考覈別嫌疑防紊亂是役也蓋越
寒暑而告竣焉夫系往者子道也系來者父道也親親之誼篤
而歡欣愛敬之心著將見此閭族黨間祭祀歆其類飲食合其
歡齒讓得其序墳墓得其族姻友得其聯貧乏得其恤繼自今

繼繼繩繩克念爾祖無忝闕緒於以化民成俗何有哉則余以
宗姓宰茲土而藉手以報 天子者亦將於是焉斯譜之成也
乃直譜矣夫

乾隆乙丑秋七月曲阜世尹六十八代孫傳松休手謹序

炊經堂支譜序

中華序文

孔氏族譜由來已久而大宗戶之析為支譜也則自六十九代挨
祖止堂公始也其書法文夫子則詳女子子從略文夫子特書女
子子則各附於其父格內妻各從其夫妾則載其子格內殤者
不特書只附載於其父格內官階科第亦不鋪叙務從簡核焉
例特善并申之以服盡則止之約以昭詳慎今我炊經一表日

六十八代松臯祖以訖憲設蓋五世矣久思輯爲支譜用備大宗
修譜採擇而服官中外匆匆三十餘年雖與族人往復函詢究難
詳備有志未果今從弟漢良綜理祠事因禰年生齒日蕃內姻
外戚益衍益廣若不及時搜輯彙爲一帙執將渙而無紀用索
各支生率歲月戚黨名姓詳載無遺頗爲有切家牒雖上載
始祖以訖今宗子揆之古人大夫不敢祖諸侯之義似失限斷
惟止堂公舊譜成規可循且數典不能忘祖至封贈科名間有
未盡詳實畫一之處以無關宏旨事屬已成亦不屬其更正矣
所冀凡我族人念及世受 國恩身爲聖裔各宜守身安分
丕振家聲以無忝所生有厚望焉是爲序

光緒二十六年歲次庚子仲冬之吉

孔子七十二代孫憲鼓謹序

七十二代孫翰林院庶吉士十二戶部江西司員外郎吏科掌
印給事中廣東肇陽羅道憲鼓敬錄

曲阜孔氏族譜舊序

氏之有譜所以尊祖而承先也所以敦族而及遠也故尊尊親親厚於同族而異姓不與焉若天之所覆地之所載日月所照霜露所墜凡有血氣者莫不尊親惟聖人爲然聖人之德亦莫盛於吾夫子故王文仲有言曰吾於夫子受罔極之恩豈非以生育教誨其恩惟一不可以差殊觀之故歟然則民吾同胞之仁四海兄弟之義人於孔氏尤當有加焉孔氏出自軒皇歷殷宋而家曲阜炳靈千年再生聖人施于子孫賢彥代出芝根醴源之深且遠尚矣昌原伯東來之後名德亦世有若漁村之清德孤山之貞節至休巖先生益大顯而又酒隱之高風繼著孔

氏於東方氏族當居甲乙非但以聖人之後也故譜凡五刊而
歲年侵久支裔愈蕃後孫光烈謀于族而繼其事徵序於琦澤
思惟庸愚於氏族承先及遠之意無足以發明然尊德民彝所
同故舊譜序文皆他姓人所作而琦澤族祖魯溪公實始撰焉
據以爲說庶免潛汰乎因是而亦有爲孔氏言者夫氏族之有
譜所以尊祖而敦族也然繼承德業本也修明譜系末也本不
正而未治者末之有也孔氏盍齋勛乎斯哉琦澤先祖忠惠公
與休巖先生同坐己卯黨籍世有通家誼序文之請尤不敢辭
云云

辛卯仲秋之吉通政大夫前行成均館大司成青松沈琦澤謹撰

舊譜序文

族有譜自周官奠繫世始而逮後世蓋盛我東如幸州之奇祖
箕子新昌之孟系孟子而今曲阜孔氏之譜出而吾夫子爲始
祖夫子賢族堯舜四海之所宗億兆之所祖譜豈獨孔氏一家
之私哉孔氏始本曲阜而東出爲昌原者別其派也自昌原而
今復爲曲阜者因其本也舊譜載曲阜闕里及昌原地圖者亦
重本也今加以華城闕里圖者華城舊有闕里孔氏多居焉因
其名而實之所以重本之至也文宣之爲祖子思之爲孫子高
子順之賢之爲七世八世而逮至我朝漁村之清德孤山之
貞節休巖之直道酒隱之高風又蔚然可稱偏邦所在尚如此

中國又可知也已今我 聖上御極卓然黜百家立教出治惟
孔子是法既又 命建祠闕里 賜孔氏第文一人武一人授
蔭二人列於朝視中國襲爵不啻過也為孔氏者其孰不兢兢
惕勵以輔我 聖上憲章三代之治而舉一世歡欣鼓舞率罔
於太和元氣之中豈不休哉昔蘇洵序其譜曰觀吾譜者孝悌
之心油然而生矣今孔氏譜特叙系耳

有可以徵聖人者有可以敦宗修己者有可以風四方而興起考
當世之 盛德者則譜孰重於此哉直長乞東實主譜役屬余
為之序

崇祿大夫前任判敦寧府事延安李敏輔撰

舊譜序文

聖人之德莫大於享宗廟保子孫而自堯舜以來卒不過數百年而止獨孔子南面享太牢子孫世世襲爵亘累千歲而不絕焉此非孔子賢於堯舜者乎孔氏於中國行義較著者班班載籍其播在天下者亦何限若稽東土之乘則自檜原君紹始初以中朝學士來顯于朝而籍于昌原孫子之麗不百千計而有文章道義世其家者冠冕相承咸聯名閥聖人之澤流遠無窮於斯乎益可見矣噫由今日至孔子則雖曰遠矣自孔子視今日則乃一世也若使子孫不忘若存而心乎祖述則豈不若詩禮之訓得聞於趨庭之際乎今者後裔中有志者相與而謀梓

族譜一卷以備世系之考其亦可尚也已且屬余曰公之親黨
贅孔氏者非一門戶之所由來聞之素矣豈無一言於此余感
其意而不之辭遂爲之題

崇禎紀元後壬寅仲秋上澣通政大夫前承政院左副承旨青

松沈光洙謹識

文宣王五十四世東國派

紹

見十
三張

初諱思昭及仕麗朝避光宗諱改為紹字虞卿號昌菴元成宗大德甲辰生元順帝至正九年高麗忠定王元年已丑以翰林學士陪魯衛王女大長公主下嫁于高麗恭愍王始來東國選入大學與張敬皇甫

子 恕

字錫爾初諱希

麗朝官集賢殿大學士同平章事知鷹揚軍千牛衛大將洪武已酉以都官正郎按廉嶺南當時名士許謫功德牧隱撰其行狀其後陶隱亦撰元文宗天曆二年已巳生

子 俯

字伯恭號漁

利洪武九年丙辰生員同年文科官至判尹永樂元年我太宗三年癸未除睿文閣提學不仕與鄭圃隱李牧隱友善唱和之編多載牧隱集筆苑首題筆埽鍾王墨水原廣德神福寺左麓壬坐

子 達

字履之舊譜誤以達

字永樂十三年太宗十五年乙未生員末樂十八年庚子與宋老松希傑同使日本而還事載老松集○墓上同

子 成吉

字太宗朝官至繕工正漢城判尹

配朴氏父廣成若良延○墓上同

子 碩

見
玄

子 頤

正統十二年以教導官登

幕官至大司成號竹澗

子 賁

見
字

子 質

郎將

女丘揚善

劉義榮

天